

Yiengz Iq Dang Bing

上林县大丰镇中心学校四(2)班 Cungh Yenzgiz/钟元麒

Gaxgonq, miz duz yiengz iq ndeu, de daj seiziq couh miz aen loqsiengj ndeu, couh dwg dang boux bing ndeu.

Dang bing aeu hab iugouz: Coengmingz lingzleih, ndangdaej cangq, byom lai mbouj baenz, biz lai hix mbouj baenz. Da aeu rae, heuj aeu caezcingj, mbouj ndaej mbit. Yiengz iq gijmaz cungj ndei, couh dwg byom lai, cazndang mbouj ndaej doenggvaq, neix yiengz iq simnyap lai.

Miz ngoenz ndeu, yiengz iq ra bouxbaengzyoux ndei noucoengz lwnh simsaeh. Noucoengz riunyumj naeuz: “Beixnuengx yiengz, mwngz mbouj dwg byom lai ma? Mbouj miz gvanhaeh, lai gwn haeux, gaenx lien ndang, mwngz itdingh hab diuzgen dang bing, caemhcai qou simsaenq, mwngz itdingh miz saek ngoenz ndaej dang bing ha! Mwngz itdingh dwg bouxbing mbeilaux.” Yiengz iq dingq le, saenqsim cibcuk, de ciuq gij vah noucoengz bae guh, de geijlai maqmuengh miz saek ngoenz ndaej dang bing ha!

Gvaq geij ngoenz le, yiengz iq youh bae yawj noucoengz. Hoeng cungj mbouj raen noucoengz. Duzroeg mbin gvaqdaej lwnh yiengz iq nyi: “Boux-caeg roeggae dawz noucoengz gaeb haeuj cong-hamj bae lo, mwngz vaiq bae gouq noucoengz, gou bae lwnh hawj yiengz duicangj nyi.”

Yiengz iq baez dingq, sikhaek bae ra bouxcaeg

roeggae, caen dahraix, youq ndaw aen gamj ndeu, ra ndaej bouxcaeg roeggae, de cingq coemh feiz, yaek gangq noucoengz ne.

Yiengz iq raen le, cung hwnjbae, aeu gaeu dingj bouxcaeg roeggae, baez goed, baez gvengq, baez caij, bouxcaeg roeggae deng sieng youqgaenj, lienlien zengz dwk. Yiengz iq siengj hawj roeggae gaj loek, couh cuengq roeggae bae. Siengj mbouj daengz roeggae mbouj gaj, swnh yiengz iq mbouj re, diuq hwnjdaej dot coh da yiengz iq bae, yiengz iq nyaenx insep caeuq roeggae buekmingh doxhoenx, doeklaeng, roeggae dai lo, noucoengz ndaej gouq lo. Hoisik, duz yiengz iq aen da ndeu fangz lo.

Seizneix, yiengz duicangj daiq aendoih gingjveidui gvaqdaej lo, rox gij ginggvaq gienh saeh neix lo, yiengz duicangj naeuz: “Gou cingqsik senhbu, ciepsouh mwngz baenz bouxbing cingqsik ndaw mbanj doenghduz ndeu.” Yiengz iq naeuz: “Gou mbouj hab iugouz, gou gig byom’iq, caemh-caiq seizneix aen lwgda ndeu fangz lo.” Gangj sat yiengz iq daej hwnjdaej lo. Yiengz duicangj naeuz: “Mwngz ndangdaej byom’iq, ndaej gyahaenq lien ndang, mwngz deng da fangz le, mwngz dwg vih gouq noucoengz cix fangz, mwngz gig mbeilaux, mwngz dwg boux yinghyungz baet rwix cawz yak ndeu. Aen mbanj doenghduz aeu gyoengq cansw lumj mwngz



baenzneix mbeilaux haenx, vih beksingq cawz haih, baujhoh aen mbanj.” Yiengz iq dingq le, gikdoengh dwk gangj mbouj ok vah.

Yiengz iq saedyienh loqsiengj ndaej dang bing lo, daj seizneix hwnj de engqgya roengzrengz lienh bonjsaeh, bauj aen mbanj doenghduz bingzan.

(bouxlauxsae son’gyauq: Vangz Gveiyangh/黄桂香)



Duzdoengz

Fwn dingz lo, mbwn ok ndit lo, gwnzmbwn miz aen giuz gyaundeih he.

Boh ha, langhnaeuz lwg riuj aen huzraemx mwngz aeu daej rwed ndokva de byaij gvaq gwnz giuz bae, set raemx roengzdaej, yienghneix gwnzmbwn mbouj dwg doek fwn luma? Gou set raemxfwn coq suenyw gwnz bya, yienghneix mwngz cix mbouj hoj rap raemx bae rwed lo, mwngz angq lwi?

Meh ha, langhnaeuz lwg dawz aen gingq nduennduen mwngz aeu daej roi byoem de byaij gvaq gwnz giuz bae, gwnzmbwn mbouj dwg lai aen ronghndwen ndeu luma? Gou gaem ronghndwen rongh mwngz roi byoem, mwngz angq lwi?

Beixmbauq ha, langhnaeuz nuengx dawz aen-nungxnengh mwngz cug youq gofaex bakdou de bae venj coq gwnz giuz bae, gou naengh aennungxnengh bibi buengqbuengq, geu vunjaiz gou mbouj dwg bienqbaenz vangq fwj mbinyagyag luma? Mwngz yawjraen le, angq lwi?

(Daj《Bonjsei Sim Lwngnyez》(Veiz Gizlinz raiz) senj okdaej, Lwgfwnzgmeih/卢奋长 hoiz)

Gou Ciemz Heuj Ok Lo

Duenh sujgyaj ndawde, ndaw bak gou miz swnj heujndungj ndeu ngauz bae ngauz dauq yaek luet lo, yaek doek youh doek mbouj ndaej ok.

Ngoenz haenx, swnj heuj neix ndaej conq yaek aeu cik, bingzseiz de in couh suenq gvaq, danhseih baez neix ne, in baenz gou bak hix hup mbouj ndaej bae, langh hup ne gou couh deng aeu fwngz goemq bak heuh “yoyo” nei. Cungj mbouj ndaej hawj gou baenzngoenz aj bak youq ba! Caij gangj, vunnz lumj diet, ngaiz dwg gang, donq ndeu mbouj gwn iek yaek dai! Neix gou couh gietdingh ciemz de bae!

Gou dawz aen gingq ndeu daej, aj bak, couh raen de. Gwnz “naj” de miz congghndaem hung ndeu, couh lumj gaiq ngeggoemq caeggeq nei, youq ndaw bak yienhda dangqmaz, gou laemxsim itdingh sikhaek ciemz de bae.

Gou iet song lwg fwngz haeuj ndaw

bak bae, gaem dawz de cienq coh baih ndeu. Swnj heuj haenx lumjnaeuz miz rag nei, laemxsim mbouj siengj deuzbae, “cingj” hix “cingj” mbouj doengh de. Mbouj miz banhfap, cijndaej giengzmanz guh lo.

Gou gya haenqrengz niuj de. Hwzhwz, miz yungh dahraix, de baez di baez di cienqning lo. Gou baez cuengq fwngz, sawqmwh, de fwt dwk “cienq” ndang gvaqdaej, “A!” Dangseiz gou deng in lai raemxda doek lo, fwngz goemq bak haeuj nanznanz bae. Neix ne mbouj ndaej lau in lai lo, gvaq yaep ndeu, gou heijdaej ciemz baez daihngaih lo. Baez neix gou yaek guh vaiq baenz vaiq, gou fwt dwk yungh rengz, henz heuj lwed lae lo. Gou lwnh sou, lwed dwg bouxvunzdig gou, seizneix gou caen mbouj rox baenzlawz ndei. Couh yiengh-neix, daihgaiq guh le buenq aen cung, sawqmwh miz geu heiq hombyaek ndeu con haeuj ndaw ndaeng gou daej. Neix dwg daxmeh cingq guh byabyaeksoemj gou ceiq maij gwn haenx. Ngeix daengz banringz vunzranz ndaej gwn ndei gwn hom, danhseih gou cijndaej youq bangxhenz yawj, vanzlij dingj in dem. Gou baez hozndat, hemq naeuz: “Vihliux gijgwn ndei, buek lo!” Cij raen “sou” baez ndeu, swnj heujvaih haenx fwt buet okdaej lo.

Haha, gou ciemz heuj ok lo!

(Lij Bozyangz/李博洋)

